

傷寒瘟疫條辯

傷寒瘟疫條辨 卷四

醫方目錄

麻黃附子細辛湯

升降散

麻黃湯

桂枝湯

大青龍湯

小青龍湯

黃芩湯

白虎湯

附白虎加人參湯

大承氣湯

小承氣湯

調胃承氣湯

大柴胡湯

柴胡龍骨湯

增損大柴胡湯

雙解散

增損雙解散

涼膈散

加味涼膈散

三黃石膏湯

增損三黃石膏湯

理中湯 附理中丸

四逆湯 附四味醇湯飲

神解散

清化湯

大清涼散

小清涼散

小柴胡湯

附柴胡加芒硝湯 柴胡枳桔湯 柴胡香薷湯

六一順氣湯

加味六一順氣湯

理陰煎

附附子理陰煎

補陰益氣煎

大溫中飲

補中益氣湯

桃仁承氣湯

代抵當湯丸

茵陳蒿湯

參胡三白湯

黃連解毒湯

玉女煎

黃龍湯

附補厚湯

大復甦飲

小復甦飲

六味地黃丸料

附腎氣丸料

參胡溫胆湯

人參養榮湯

葛根湯

附桂枝加葛根湯

痛瀉要方

桂枝麻黃各半湯

人參敗毒散

中和湯

葛根加半夏湯

增損普濟消毒飲

真武湯

梔子豉湯

附梔子生薑豉湯 梔子甘草豉湯  
梔子乾薑豉湯 梔子厚朴湯

瓜蒂散

炙甘草湯

生豚散

左歸丸

右歸丸

蜜煎導法

參歸養榮湯

犀角地黄湯

通脈四逆湯

白頭翁湯

桔梗杏仁煎

腸癰秘方

連翹金貝煎

蠟礬丸

附子湯

桂枝加附子湯

甘草附子湯

正方七十一  
附方十四

醫方辯引

作方圓必以規矩治病證必以古方固也。但古方今病焉能盡合。是以羅太無曰。以古方治今病。正如拆舊屋。湊新屋。其材本非一。必再經匠氏之手。故用方者。不貴明其所當然。要貴明其所以然。則或增或損。或奇方。或偶方。或合方。或以內傷方治外感。或以外感方治內傷。信手拈來。頭頭是道。許學士云。讀仲景之書。用仲景之法。未嘗執仲景之方。乃爲得仲景之心也。若不明其所以然。而徒執其方。如經生家。不能

榻管作文乃記誦先輩程文以計場屋題目之必中  
奚可哉是集諸方人所易曉者止錄其方其涉疑難  
及理趣深奧者瀕探明理論醫方考明醫方論等書  
以闡明之間附一得之見誠能潛心於此處方其無  
誤乎抑又有慮焉仲景傷寒論曰病當汗解診其尺  
脈濇先與黃芪建中湯補之然後汗之先賢慎於用  
汗藥如此則吐藥下藥可知矣故凡用方者雖方與  
病合又在診脈並察兼證以詳辨其虛實或汗或吐  
或下方爲盡善若遇老人虛人血氣陰陽四損者寧



可顧護元氣。而不可輕用汗吐下之重劑也。

麻黃附子細辛湯

傷寒論曰。少陰病。

脈微細。但欲寐。

始得之。反發熱。

太陽脈表熱。

沉者。

少陰裏寒。

此方主之。

麻黃

去節

附子

炮

細辛

各二錢

水煎麻黃去沫。次入附

子細辛煎服。

病發於陰者當無熱。今少陰始病何以反發熱。此乃太陽少陰之兩感病也。蓋太陽膀胱與少陰腎。表裏為表裏。寒邪感於少陰。故裏有脈沉。由絡達於太陽。故

此論微見真出  
六經的矣。傷寒  
濕病分門另治  
以此得解

表有發熱。有太陽之表熱。故用麻黃以發汗。有少陰  
之裏寒。故用附子細辛以溫中。三陰之表發與三陽  
不同。三陰必以溫經之藥爲表。故麻黃附子同用。方  
是少陰表發之正也。按傷寒病兩感者亦少。此卽  
太陽少陰之兩感也。麻黃附子同劑治法。委是奇特。  
學者引伸觸類。可應無窮之變矣。且傷寒兩感。麻黃  
附子細辛湯主之。此仲景傷寒兩感之治法。溫病兩  
感。雙解散主之。此河間補仲景溫病兩感之治法。此  
三方者。乃辨溫病與傷寒發表攻裏兩感異治之

訣也。世之以溫病爲傷寒。以傷寒方治溫病者。觀此能勿悔心乎。

升降散 溫病亦雜氣中之一也。表裏三焦大熱。其

證不可名狀者。此方主之。

如頭痛眩暈胸膈脹悶心腹疼痛嘔厥吐

食者。如內癘作渴。上吐下瀉。身不發熱者。如增寒壯熱。一身骨節酸痛。飲水無度者。如四肢厥冷。身涼如冰。而氣噴如火。煩燥不寧者。如身熱如火。煩渴引飲。頭面猝腫。其大如斗者。如兩喉腫痛。痰涎壅盛。滴水不能下嚥者。如遍身紅腫。發塊如痛者。如斑疹雜出。有似丹毒風毒者。如崩高。脇起。腰痛。嘔如血汁者。如血從口鼻出。或目出。或牙縫出。毛孔出者。如血從大便出。甚如爛瓜肉。屋漏水者。如小便不通。大便瀉。無度。度。度。腸不可忍者。如小便不通。大便瀉。無度。度。度。腸

鳴如雷者如便清瀉白足重難移者如肉弱備  
揚者如舌捲囊縮者如舌出寸許絞緊不住音  
聲不出者如謔語狂亂不省人事如醉如癡者  
如頭疼如破腰痛如拆滿面紅腫目不能開者  
如熱盛神昏形如罪人哭笑無常目不能閉者  
如手舞足蹈見神見鬼似風癲狂祟者如誤服  
發汗之藥變為亡陽之證而發狂叫跳或昏不  
識人者外證不同受邪則一凡未曾服過他藥  
者無論十日半月一月  
但服此散無不輒效

白殭蠶

酒炒

全蟬蛻

去土

廣薑黃

去皮

川大黃

生

秤准右為細末合研勻病輕者分四次服每

服重一錢八分二釐五毫用黃酒一盅蜂蜜五  
錢調勻冷服中病即止病重者分三次服每服

重二錢四分三釐三毫黃酒虛半蜜七錢五分  
調勻冷服最重者分二次服每服重三錢六分  
五釐黃酒二盅蜜一兩調勻冷服一時無黃酒  
稀熬酒亦可  
斷不可用蒸酒胎產亦不忌煉蜜丸名太極丸服法同  
前輕重分服用蜜酒調勻送下

按溫病總計十五方輕則清之神解散清化湯芳香  
飲大小清涼散大小復甦飲增損三黃石膏湯入方  
重則瀉之增損大柴胡湯增損雙解散加味涼膈散  
加味六一順氣湯增損普濟消毒飲解毒承氣湯六

方。而升降散其總方也。輕重皆可酌用。察證切脈。斟酌得宜。病之變化。治病之隨機應變。又不可執方耳。按處方必有君臣佐使。而又兼引導。此良工之大法也。是方以殭蠶爲君。蟬蛻爲臣。姜黃爲佐。大黃爲使。米酒爲引。蜂蜜爲導。六法俱備。而方乃成。竊嘗考諸本草。而知殭蠶味辛苦。氣薄。喜燥惡濕。得天地清化之氣。輕浮而升陽中之陽。故能勝風除濕。清熱解鬱。從治膀胱相火。引清氣上朝於口。散逆濁結滯之痰也。其性屬火。兼土與木。老得金水之化。殭而不腐。溫

病火炎土燥。焚木燦金。得秋分之金氣而自衰。故能  
辟一切怫鬱之邪氣。夫蠶必三眠三起。眠者病也。合  
簿皆病而皆不食也。起者愈也。合簿皆愈而皆能食  
也。用此而治合家之溫病。所謂因其氣相感而以意  
使之者也。故爲君。夫蟬氣寒無毒。味鹹且甘。爲清虛  
之品。出糞土之中。處極高之上。自甘風露而已。吸風  
得清陽之真氣。所以能祛風而勝濕。飲露得太陰之  
精華。所以能滌熱而解毒也。蛻者退也。蓋欲使人退  
去其病。亦如蟬之脫然無恙也。亦所謂因其氣相感

而以意使之者也。故爲臣。薑黃氣味辛苦。大寒無毒。蠶人生咬。喜其祿邪。伐惡行氣散鬱。能入心脾二經。建功闢疫。故爲佐。大黃味苦。大寒無毒。上下通行。蓋亢甚之陽。非此莫抑。苦能瀉火。苦能補虛。一舉而兩得之人。但知建良將之大勳。而不知有良相之碩德也。故爲使。米酒性大熱。味辛苦而甘。今飲冷酒。欲其行遲。傳化以漸。上行頭面。下達足膝。外通毛孔。內通藏府。經絡驅逐邪氣。無處不到。如物在高巔。必奮飛冲舉以取之。物在遠方。及深奧之處。更必迅奔探索。



以取之。且喜其和血養氣。伐邪辟惡。仍是華陀舊法。亦屠蘇之義也。故爲引。蜂蜜甘平無毒。其性大涼。主治丹毒斑疹。腹內留熱。嘔吐便秘。欲其清熱潤燥。而自散溫毒也。故爲導。蓋蠶食而不飲。有大便。無小便。以清化而升陽。蟬飲而不食。有小便。無大便。以清虛而散火。君明臣良。治化出焉。薑黃辟邪而靖疫。大黃定亂以致治。佐使同心。功績建焉。酒引之使上行。蜜潤之使下導。引導協力。遠近通焉。補瀉兼行。無偏勝之弊。寒熱並用。得時中之宜。所謂天有覆物之功。人

有代覆之能。其洵然哉。是方不知始自何氏。二分晰  
義。改分兩。變服法。名爲賠賑散。用治溫病。服者皆愈。  
以爲當隨賑濟而賠之也。予更其名曰升降散。蓋取  
蠶。蠶。蟬。蛻。升陽中之清陽。薑。黃。大。黃。降陰中之濁陰。  
一升一降。內外通和。而雜氣之流毒頓消矣。又名太  
極丸。以太極本無極。用治雜氣無聲無臭之病也。乙  
亥丙子丁丑吾邑連歉。溫氣盛行。死者枕籍。予用此  
散。救大證。怪證。壞證。危證。得愈者十數人。餘無筭。更  
將此方傳施親友。貼示集市。全活甚衆。可與河間雙

解散。並駕齊驅耳。名曰升降。亦雙解之別名也。

麻黃湯。太陽傷寒。寒傷頭痛。太陽脈上發熱。表氣

身痛腰痛。寒凝血流骨節痛。腎主骨而惡寒。衛

之無汗。榮強而喘。寒阻氣脈浮緊者。寒性堅此

方主之。

麻黃去節三錢 桂枝二錢 甘草炙一錢 杏仁八分 水煎麻黃

去沫。次入羣藥煎服。覆取微汗。

足太陽經起目內眥。循頭巔腰脇。故所過痛而不利。寒邪外束。人身之陽不得宣越。故令發熱。寒邪在表。

不復任寒。故令惡寒。寒主閉塞。故令無汗。人身之陽。既不得宣越於外。則必壅遏於內。故必作喘。寒邪剛勁。故令脈緊。麻黃辛溫散寒。故爲君。佐以桂枝。取其解肌。佐以杏仁。取其利氣。入甘草者。亦辛甘發散之意。抑太陽無汗。麻黃之用固也。若不量人品之虛實。時令之寒暄。則又有汗多亡陽之戒。汗多者宜撲粉。亡陽者宜附子湯。大抵麻黃性熱。惟冬月正傷寒無汗者宜之。若溫病斷不可用。抑不獨溫病也。若傷寒脈微弱而誤用之。汗出不止。或將病人頭髮披水盆。

中再將糯米八兩炒研龍骨牡蠣薑木防風各二兩研爲末合勻

周身撲之此良方也汗出不止汗多也與亡陽不同

桂枝湯 太陽中風風傷衛頭痛發熱風邪鬱蒸汗出玄府疎也

惡風衛虛不勝風也脉緩者風性柔和之故此方主之

桂枝三錢白芍三錢甘草二錢生薑三錢大棗三枚水煎温

服覆取微汗不可令如水流滴病必不除

風之傷人也頭先受之故令頭痛風爲陽氣亦爲陽同類相從則傷衛衛氣傷則無以固津液故令汗出其惡風者衛氣不能衛也其脉緩者衛氣不能鼓也

桂枝味辛甘。辛則能解肌。甘則能實表。辛甘發散爲陽。故用以治風。爲君。然恐其走泄陰氣。故用芍藥之酸以收之。佐以甘草。生薑。大棗。此發表而兼和裏之意。然桂枝本爲解肌。若脈浮緊發熱汗不出者。不可與也。與之則表益實而汗益難出也。故伸之以常須識此。勿令誤也。太抵桂枝性熱。惟冬月正傷寒有汗者宜之。若溫病斷不可用。酒客亦不可用。抑不獨溫病酒客也。凡服桂枝湯作嘔者。以胃熱而服熱藥。兩熱相搏故也。

大青龍湯 太陽中風。脈浮緊。以中風而得緊脈。頭

痛發熱惡寒身痛。皆表証也。不出汗。寒邪鬱而煩燥。

風作煩。寒作燥。此方主之。

麻黃

四錢

桂枝

二錢

甘草

炙二錢

杏仁

泡去皮尖十枚

石膏

入生錢

薑

三錢

大棗

一枚

水煎麻黃去沫入羣藥煎服覆

取汗愈。若脈微弱汗出惡風者不可服。

青龍者。東方甲乙木神也。主發育萬物。方以發散爲義。故名之。仲景曰。太陽傷寒。治以麻黃湯。太陽中風。治以桂枝湯。傷寒太陽證。見風脈。是有頭痛發熱無

汗惡寒。但脈來得緊而緩。爲傷寒。且中風矣。與中風脈得浮緊一也。故二方併而用之。邪氣外盛。人身之陽鬱爲內熱。此石膏之所以加也。大青龍其發表之重劑乎。而已陽在燥之弊。筋惕肉瞤之害。則用青龍之過者也。急以真武湯大溫大補之。又仲景救壞之良方也。許學士曰。大青龍一證。尤難用藥。須是脈證諦當。然後可行。故王實夫證。止用桂枝麻黃各半湯。蓋慎之也。按亡陽惕瞤之弊。原因脈微弱。誤用者之過。非大青龍之過也。

小青龍湯

傷寒脈浮緩。表不解。

風寒在表。心下有水氣。



水飲搏膈。嘔噦發熱而咳。水飲上射。或渴不行。或利下溜。

或噎。水寒相擊。或小便不利。太陽裏氣不化。小腹痛。屬瀉。或

喘者。水飲射時。此方主之。

麻黃二錢 桂枝二錢 白芍二錢 半夏四分 五味子一錢 細辛

一錢 乾薑一錢 甘草一錢 炙一 水煎溫服。若渴者去半

夏加天花粉二錢。若微利者去麻黃。加葦花如雞

若噎者去麻黃加附子五分。若喘者去麻黃加

杏仁十枚。若小便不利小腹痛。去麻黃加白茯苓

二錢。按原文加葦花如雞子大。此必傳寫之訛。考本草葦花是芫花類也。每用之攻水五

分可令人下寸數行豈有治停飲之微利用雞  
子大塊之蕤花者乎。照原方當改加茯苓如雞  
子大。

柯韻伯曰發熱而咳。知內有水氣射肺。乾嘔。知水氣  
未入於胃而在心下也。心下爲火位。水火相射。則水  
氣之變幻不可拘。如下而不上。則或渴或利。上而不  
下。則或噎或喘。留於腸胃。則小便不利。而小腹因滿  
矣。惟心下有水氣。嘔噦發熱而咳。爲定證。故於桂枝  
湯中去大棗之泥。加麻黃以開腠理。細辛逐水氣。牛  
夏除嘔噦。五味乾薑以除咳。若渴者是心火盛。故去

半夏之燥熱。加天花粉以生津。若利與噎。小便不利。與喘者。乃病機偏於向裏。故去麻黃之發表。加附子以除噎。如芫花茯苓以利水。加杏仁以定喘耳。兩青龍湯皆治有表裏證。皆用兩解法。但大青龍證是裏熱。小青龍證是裏寒。故發表之藥相同。而治裏之藥則殊也。此與五苓散同為治表不解而心下有水氣者。在五苓治水之畜而不行。故大利其水而微發其汗。是水鬱折之也。小青龍治水之動而不拘。故備舉辛溫以散水。並用酸苦以安肺。培其化源也。細釋仲

景發表利水諸論精義入神矣。

又曰麻黃桂枝大青龍三表証中仲景卽分表裏之不同。溫清之殊治。麻黃湯證熱全在表。桂枝湯證之自汗。大青龍湯證之煩燥。皆兼裏熱於表劑中。便加寒藥以清裏。自汗是煩之兆。燥是煩之徵。汗出則煩得泄。故不燥。桂枝湯加微寒酸苦之芍藥以和之。汗不出則煩不得泄。故燥。大青龍湯加大寒堅重之石膏以清之。芍與膏本是裏藥。今人見仲景於表劑中入之。因疑而畏焉。當用不用。以致熱結陽明而斑黃。

狂亂紛出矣。仲景於太陽經中卽用石膏以清胃火。是預保陽明之先。着用薑棗以培中氣。又慮夫轉屬太陰。苦心良法。有如此者。

又曰桂枝湯爲一百一十三方之冠。乃滋陰和陽。調理榮衛。解肌發汗之第一方也。世人咸謂桂枝止汗。不知先輩言無汗不得用桂枝者。正以桂枝湯中有芍藥之酸寒。益陰斂血。能止汗故也。其實芍藥功在止煩。煩止汗亦止。故反煩更煩。與心悸而煩者。咸賴之。要知桂枝湯治表虛能解肌。以發榮中之汗。而不

先整至有汗不得用麻黃是百麻黃湯也無汗不得用桂枝是白桂枝湯也非白麻黃桂枝二藥味也須知之

能開皮毛之竅以發衛分之汗。故汗不出脈浮緊者是麻黃湯證。卽不得與桂枝湯矣。庸工妄謂桂枝湯專治中風。不治傷寒。不知此湯凡中風傷寒脈浮弱而表不解者。以及自汗盜汗虛癰虛痢。乘虛瘧症。小兒漫驚等證。皆隨手而效。因知仲景一方可通百病。後人一證便集百方以眩人。豈不陋哉。

黃芩湯 太陽少陽合病。必自下利者。此方主之。

黃芩

錢五

白芍

錢五

甘草

錢三

大棗

三枚

水煎

溫服

太陽少陽合病者。身熱頭痛脊強。而又脇痛耳聾寒。

熱暈而口苦也。必自下利者。表實裏虛。邪熱漸攻於裏也。若太陽與陽明合病爲在表。當與葛根湯發汗。若陽明與少陽合病爲在裏。當與大柴胡湯下之。此太陽少陽合病下利。非汗下所宜。故與黃芩湯。蓋虛而不實者。苦以堅之。酸以收之。故用黃芩白芍以堅斂腸胃。弱而不實者。甘以補之。故用甘草太棗以補益腸胃也。溫病始發。卽可用黃芩湯以去邪熱爲妙。傷寒必傳至少陽邪熱漸次入裏。方可用黃芩佐柴胡以和解之。此辨溫病與傷寒異治之要訣也。

白虎湯 傷寒論曰。陽明傷寒。脈浮滑。此以表有熱。

裏有

寒熱

此方主之。

按裏有寒。句之寒字。當是熱字。若是寒字。非白虎湯。證也。

宜改

或曰。此寒字。當作寒鬱為熱之寒。

石膏

生八錢

知母

三錢

甘草

生一錢半

粳米

二錢

竹葉

三十片

水煎冷服。加人參。

一分

名白虎加人參湯。

白虎西方庚辛金神也。五行之理。成功者退。如秋金之令行。則夏火之炎息。名曰白虎。所以行清肅之令。而除熱也。

按白虎湯。乃溫病主方也。雖為陽明解利之藥。實解



胃本內蒸之熱。非徒治在經之熱也。以邪熱傷胃。所以必需。若在經之熱。自有葛根湯等方治法。並無借於白虎也。所以溫病誤用麻黃桂枝。傷寒誤用白虎黃芩。輕者必重。重者必危。設熱鬱胃裏。已成燥結。而徒用白虎。既無逐結之能。且以剛悍而伐胃氣。反抑邪氣內鬱。致脈不行。因而沉伏微細。便謂陰脈。益不敢議下。日惟雜進白虎解毒。以爲穩妥。愈投愈危。至死不悟。此承氣涼膈之所以必需也。明者自知之。

又按以石膏一物之微。入甘溫隊中。則爲青龍從清。

涼同氣。則爲白虎。設傷寒在表之風寒未除。當用青龍。而反用白虎。溫病在裏之熱渴已遍。當用白虎。而反用青龍。則用者之誤不小。熱結在裏。白虎以匡青武以救青龍之妄。投神乎其神矣。

大承氣湯。陽明病。痞滿燥實。譫語煩渴。腹痛便秘。此方主之。

大黃

酒浸四錢

芒硝

二錢

厚朴

薑炒四錢

枳實

二錢

水煎溫

服

病有宜加倍者。仲景原方大黃厚朴各四兩。芒硝枳實各二兩。分三服。

黃蕩熱斬關。破實於腸胃。芒硝潤結軟堅。化燥於

肛門厚朴導滯。節制硝黃之太寒。枳實瀉滿。輔佐厚朴之下氣。

小承氣湯 陽明病。心腹脹滿。朝熱狂言而喘。此方主之。

大黃酒浸三錢 厚朴二錢 枳實一錢 水煎溫服

調胃承氣湯 陽明病。不惡寒。反惡熱。大便秘澀。此方主之。

大黃酒浸三錢 芒硝三錢 甘草炙二錢 水煎溫服

王海藏曰。仲景三承氣。有大小調胃之殊。今人不分

大小上下緩急用之。豈不失立方本意哉。大熱大實。用大承氣。小熱小實。用小承氣。胃實燥結。用調胃承氣。以甘草緩其下行而祛胃熱也。若病大用小則邪氣不伏。病小用大則過傷元氣。病在上而瀉下則上熱不清。病在下而瀉上則下熱不除。用方者豈可一槩混施乎。

喻嘉言曰。傷寒陽明篇。總是以外證之解與不解。氣之轉與不轉。臍腹之痛與不痛。脈之弱與不弱。汗出之多與不多。小便之利與不利。邪熱之熾與不熾。津

液之乾與不乾。而辨腹中燥屎多與不多。溼與不溼。以消息微下之法。故惟手足減然汗出大便已硬者。主之以大承氣湯焉。其他一則曰宜用導法。再則曰不可攻之。再則曰少與小承氣湯。再則曰明日再與一升。再則曰宜大承氣湯。全是商量治法。總人臨時斟酌。以祈無誤。所以不用主之二字。此等處關係安危最大。蓋熱邪入胃。不以苦寒攻之。則胃傷。然寒藥本以救胃也。不及則藥不勝邪。太過則藥反傷正。況不勝其邪。必盡傷其正。徒傷其正。未必盡去其邪。仲

濕病下不嫌早  
一語發從來所

十六

此說情理兼到  
淋瀝病快前至  
此心曠神怡

景所以諄諄於二者之間者。恐傷寒裏未實也。

按傷寒裏實。方下。溫病熱勝。卽下。其治法亦無大異。但傷寒其邪在表。自氣分而傳入血分。下不厭遲。溫病其邪在裏。由血分而發出氣分。下不嫌早。其證不必悉具。但見舌黃。嘔渴。痞燥。滿痛。一二證。便於升降。增損雙解。加味涼膈。加味六一。解毒承氣等方。酌度病情。上下輕重。緩急下之。以徹其邪。毒無不獲效。大凡溫病邪熱內熾。貴乎早治。乘人血氣未亂。肌肉未消。津液未耗。病人不至危殆。投劑不至掣肘。下後亦

易平復欲爲萬全之策者。不過知邪熱之所在。早拔去病根爲要耳。但要量人之壯弱。度邪之輕重。察病之緩急。然後用藥。不至空投。投藥無太過不及之弊。是以仲景治傷寒。自大柴胡以下。立三承氣。多與少與。自有上下輕重緩急之殊。若溫病勿拘傷寒下不厭遲之說。知應下之證。見下無結糞。則以爲下之早。或以爲不應下之證。紛紛聚訟。殊不知仲景立三承氣。本爲逐邪而設。非專爲結糞而設也。必俟其糞結而後下之。則血液爲邪熱所搏。變證迭起。是猶養虎。

千古不磨之論  
何處得來

遺患也。况多有淋瀝失下。但蒸作極臭。如敗醬。如藕  
泥。至死不結者。倘酌用前方。穢惡一下。邪熱自此而  
消。脉證自此而退。豈徒孜孜糞結而後行哉。假如久  
病。精枯血燥之人。或老人血液衰竭。多主燥結。或病  
後血氣未復。亦多燥結。在經所云不更衣十日無所  
苦。有何妨害。是燥結不至損人熱毒之爲殞命也。此  
辯溫病與傷寒下遲下早異治之要訣也。

大柴胡湯 傷寒陽邪入裏表證未罷而裏證又急  
者此方主之。



柴胡四錢半夏一錢薑汁炒黃芩二錢白芍一錢枳實一錢大

黃

酒浸二錢

生薑

二錢

大棗

一枚

水煎

溫服

表證未罷。寒熱脇痛。口苦而嘔。尚在也。裏證又急。大便難而燥實也。有表證。故用柴芩以解表。有裏證。故用枳黃以攻裏。白芍能和少陽。半夏能止嘔逆。薑棗又所以和中而調衛藥也。少陽病六七日。至十餘日。大便不行。脇下澱澱。汗出。方可用大柴湯。微利之。緣膽無出入。瀉土所以瀉木也。如脇下無汗。爲膽未實。設誤下之。必犯少陽之本。則胸滿煩驚。小便不利。譫

語。一身盡重。不可轉側。又宜用。

柴胡龍骨牡蠣湯

柴胡

四錢半夏

三錢茯苓

二錢人參

一錢

龍骨

半錢牡蠣

半錢桂枝

半錢鈔丹

半錢大黃

二錢生薑

半錢大

棗

一枚水煎將成方入大黃煎一二沸

不欲味全而傷中氣

去渣溫服。○薛氏去鈔丹加黃連黃芩當歸

各一

錢○鈔丹即黃丹也

按大柴胡湯本為裏證已急而表證未罷者設。若用以治溫病最為穩妥。雙解散。荆防以解表。確黃以攻裏。為雙解之重劑。大柴胡。柴芩以解表。枳黃以和裏。

爲雙解之輕劑。若內熱甚者，合黃連解毒湯，或白虎湯，以治老弱人及氣血兩虛人之溫病，尤爲適宜。子去半夏，加陳皮，合黃連解毒湯，升降散，各增損大柴胡湯，用之累驗。

增損大柴胡湯 溫病熱鬱膜理，以辛涼解散，不至還裏而成可攻之證。此方主之。乃內外雙解之劑也。

柴胡	四錢	薄荷	二錢	陳皮	一錢	黃芩	二錢	黃連	一錢	黃柏	一錢	梔	一錢
子	一錢	白芍	一錢	枳實	一錢	大黃	二錢	廣薑黃	七分	白殭蠶			

酒炒全蟬蛻十個 嘔加生薑二錢 水煎去渣入冷

黃酒一兩蜜五錢和勻冷服

雙解散 傷寒濕病表裏實熱此方主之此河間原

方也

防風 荆芥 薄荷 麻黃 當歸 川芎 白

芍 白朮土炒 連翹去心 梔子 大黃酒浸 芒硝各五分

桔梗一錢 黃芩一錢 石膏四錢 消石三錢 甘草二錢 水煎

溫服

防風麻黃以解表薄荷荆芥以清上大黃芒硝以滌

腸胃消石梔子以利水道。桔梗石膏以清肺胃之邪。而連翹又所以祛諸經之遊火。風熱爲患。肝木主之。芎歸白芍和肝血以息風熱。而白朮甘草又所以建運脾土。能勝濕熱禦風火故也。方中倍用六一者。以伏氣所蒸之濕熱。半從肌表而泄。半從水道而利也。按此乃河間舊解耳。予謂麻黃性大熱。冬時正傷寒發汗之要藥也。溫病乃雜氣中之一也。斷無正發汗之理。於法爲大忌。卽河間亦未言及。不如易殭蠶蟬蛻。得天地清化之氣。以滌疫氣。散結行經。升陽解毒。

且鬱熱伏於五內，傷損正氣，脹悶不快，川芎香竄走泄真元。白朮氣浮，填塞胃口，皆非溫病所宜。不如易黃連葛黃，開邪除惡，佐歸芍涼血散鬱，以退蒸。則心肝和而風火自熄矣。因名增損雙解散。

增損雙解散

溫病主方

溫毒流注無所不至，上干則頭痛目眩耳聾，下流則

腰痛足腫，注于皮膚則斑疹疥癩，壅于腸胃則毒利膿血，傷于陽明則腮腫脰痛，結于太陰則腹滿嘔吐，結于少陰則喉痺咽痛，結于厥陰則舌捲囊縮。此方解散陰陽內外之毒，無所不至矣。

白殭蠶

酒炒

全蠍

十二枚

廣藜蘆

七分

防風 薄荷

葉一錢 荆芥穗一錢 當歸一錢 白芍一錢 黃連一錢 連翹一錢 去

一錢 梔子一錢 黃芩二錢 桔梗二錢 石膏六錢 滑石三錢 甘草

一錢 大黃二錢 芒硝二錢 水煎去渣充芒硝入蜜

三匙 黃酒半酒杯 和勻冷服

按溫病本末身涼不渴小便不赤脉不洪數者未之有也。河間以傷寒爲雜病。溫病爲大病。特立雙解散。以兩解溫病表裏之熱毒。以發明溫病與傷寒異治之秘奧。其見高出千古。深得長沙不傳之秘。且長沙以兩感爲不治之證。傷寒病兩感者亦少。一部傷寒

論。僅見麻黃附子細辛湯一證。惟溫病居多。以溫病  
成。從三陰發出。三陽乃邪熱亢極之證。卽是兩感。惜  
長沙溫病方論。散佚不傳。幸存刺五十九穴一法。惟  
河間雙解散。解鬱散。結清熱導滯。可以救之。必要以  
雙解爲第一方。信然。予加減數味。以治溫病。較原方  
尤覺大驗。戊寅四月。商邑貢生劉兆平。年八旬。患溫  
病。表裏大熱。氣噴如火。舌黃口燥。謔語發狂。脉洪長  
滑數。予用原方治之。大汗不止。舉家驚惶。急易大復  
甦飲。一服汗止。但本證未退。改製增損雙解散方。兩



劑而病痊。因悟麻黃。春夏不可輕用。因悟古方。今病不可過執也。所以許學士有云。讀仲景之書。學仲景之法。不可執仲景之方。乃爲得仲景之心也。旨哉斯言。河間雙解三黃俱用麻黃。仍是牽引叔和舊說。蓋溫病熱鬱自裏達表。亦宜解散。但以辛涼爲妙。

涼膈散 傷寒溫病火鬱上焦大熱面赤舌黃唇焦者。此方主之。此河間原方也。

連翹

二錢

黃芩

二錢

枝子

二錢

薄荷

二錢

大黃

酒浸

芒硝

各三錢

錢

甘草

生一錢

竹葉

三十片

水煎

去渣

入蜜

冷服

加味涼膈散

溫病主方

余治溫病雙解涼膈愈者不計其數若病大頭瓜蘇

等溫。危在旦夕。數年來以二方救活者。屈指以筭。百十餘人。真神方也。其共珍之。

白殭蠶

酒炒

三錢 蟬蛻

全十枚

廣薑黃

七分

黃連

二錢

黃芩

二錢

梔子

二錢

連翹

去心

薄荷

大黃

芒硝

各三錢

甘草

一錢 竹葉

三十片

水煎去渣。充芒硝入蜜酒冷服。

若欲下之。量加硝黃。胸中熱加麥冬。心下否加

枳實。嘔渴加石膏。小便赤數加滑石。滿加

枳實厚樸

連翹。荷竹。味薄而升浮。瀉火於上。芩連。梔薑。味苦而

無氣。瀉火於中。大黃。芒硝。味厚而鹹寒。瀉火於下。殭

蠶。蟬。以清化之品。滌疵癘之氣。以解溫毒。用甘草

者取其性緩而和中也。加蜜酒者取其引上而導下也。

三黃石膏湯 傷寒溫病。大熱神昏。兩目如火。身如

塗硃。燥渴欲死。脉洪長滑數者。此方主之。此河

間原方也。

石膏

四錢

豆豉

二錢

麻黃

半錢

黃連

一錢

黃芩

一錢

梔子

一錢

黃

柏

一錢

水煎冷服

傷寒表裏大熱。欲攻其裏。則表證未解。欲發其表。則裏證又急。庸工不識。趙趙不能下手。待斃而已。殊不

知熱在三焦。閉滯經絡。津液枯涸。榮衛不通。遂成此證。用解毒石膏以清裏熱。麻黃豆豉以散表熱。內外之邪俱燼矣。

增損三黃石膏湯 溫病主方。表裏三焦大熱。五心

煩熱。兩目如火。鼻乾面赤。舌黃唇焦。身如塗硃。

燥渴引飲。神昏譫語。服之皆愈。

石膏

八錢

白礬

酒炒三錢

蟬蛻

十個

薄荷

二錢

豆豉

三錢

黃連

黃柏

鹽水微炒

黃芩

枝子

知母

各二錢

水煎去渣

入米酒蜜冷服

腹脹疼或燥結加大黃

寒能制熱故用白虎湯若能下熱故用解毒湯佐以  
荷。政。蠶。蟬。之。辛。散。升。浮。者。以。溫。病。熱。毒。至。深。表。裏。俱。  
實。揚。之。則。越。降。之。則。鬱。鬱。則。邪。火。猶。存。兼。之。以。發。揚。  
則。炎。炎。之。勢。皆。熾。矣。此。內。外。分。消。其。勢。猶。兵。之。分。擊。  
者。也。熱。鬱。廢。理。先。見。表。證。爲。尤。宜。

理中湯 加炮附子錢一名附子理中湯 厥逆自利  
不渴而嘔。腹痛鴨瀉。此太陰有真寒也。此方主  
之。

白朮

土炒  
三錢

人參

錢一

乾薑

炮二  
錢

甘草

炙二  
錢

水煎溫

服 爲末鍊蜜丸各理中丸日三夜一服治瘧  
後喜唾久不了了者此胃有寒飲停留也

四逆湯 大汗出熱不去內拘急四肢疼又下利厥  
逆而惡寒者此方主之。

附子

生

乾薑

生

甘草

炙各

二錢

水煎溫服一云冷服

經曰治寒以熱涼而行之否則戴陽者反增上  
燥耳目口鼻出血者有之矣謹小慎微醫豈易  
言哉。加人參卽四味回陽飲。

此方通治三陰脉沉惡寒手足厥逆之證。故用附子

之生者。上行頭項外微肌表。以溫經散寒。乾薑亦用。  
生者。以內溫藏府。甘草獨用灸者。以外溫榮衛。內補  
中焦也。

瑣言曰。仲景云。病發熱頭痛。脈反沉。若不瘥。身體疼  
痛者。當救其裏。宜四逆湯。此證出太陽篇。又云。少陰  
病。始得之。反發熱。脈沉者。麻黃附子細辛湯。此證出  
少陰篇。竊詳太陽病發熱頭痛。法當脈浮。今反沉。少  
陰病。脈沉。法當無熱。今反發熱。仲景於此兩證。各言  
反者。謂反常也。蓋太陽病。脈似少陰。少陰病。似大

陽所以各謂之反。而治之當異也。深究其旨。均是脈沉發熱。以其有頭痛。故爲太陽病。陽證當發熱。脈浮。今脈反沉。以裏虛久寒。正氣衰微所致。又身體疼痛。故宜救裏。使正氣內強。逼邪外出。而乾薑生附亦能出汗而解。假使裏不虛寒。則常見脈浮。而正屬太陽。麻黃湯證也。均是脈沉發熱。以其無頭痛。故爲少陰病。陰證當脈沉無發熱。今反發熱。以寒邪在表。但皮膚腠理鬱閉爲熱。如在裏無熱。故用麻黃細辛以發肌表之熱。附子以溫少陰之經。假使身寒無熱。則當



見厥逆吐利等證。而正屬少陰。四逆湯證也。由是觀之。正氣衰微。脈沉之。反爲重。表邪浮淺。發熱之。反爲輕。此四逆湯爲劑。不爲不重於麻黃附子細辛湯也。又可見熟附配麻黃。發中有補。生附配乾薑。補中有發。此實治法之神奇處。方之精奧。學者其致思焉。

神解散 温病初覺。憎寒體重。壯熱頭痛。四肢無力。

偏身酸痛。口苦咽乾。胸腹滿悶者。此方主之。

白殭蠶 酒炒 一錢 蟬蛻 五個 神麩 三錢 金銀花 二錢 生地 二錢 木

通 車前子 炒 研 黃芩 炒 酒 黃連 黃柏 藍木 炒 桔梗

各一

水煎去渣入冷黃酒半小杯蜜三匙和

勻冷服

此方之妙不可殫述。溫病初覺但服此藥俱有奇驗。外無表藥而汗液流通。裏無攻藥而熱毒自解。有斑疹者即現而內邪悉除。此其所以為神解也。

清化湯 溫病壯熱憎寒體重舌燥口乾上氣喘吸。咽喉不利頭面瘁腫目不能開者此方主之。

白僵蠶

酒炒

三錢

蠅蛻

十個

金銀花

二錢

澤蘭葉

二錢

廣皮

八分

黃芩

二錢

黃連

炒

梔子

炒

連翹

去心

龍胆草

酒炒

元參

炒

桔梗

各一錢

白附子

各一錢

甘草

各五分

大便秘加酒

大黃

四錢

咽痛加牛蒡子

炒研一錢

頭面不腫去白附子

子 水煎去渣入蜜酒冷服

其方各清化者以清邪中於上焦而能化之以散其毒也。芩連梔翹清心肺之火。元參橘甘清氣分之火。胆草清肝胆之火。而且沉陰下行以瀉下焦之濕熱。蠶蠟蟬蛻散腫消毒。定喘出音。能使清陽上升。銀花清熱解毒。澤蘭行氣消毒。白附散頭面風毒。桔梗清咽利膈。爲藥之舟楫。蜜潤臟腑。酒性大熱而散。能引

諸涼藥至熱處以行內外上下亦火就燥之意也。其中君明臣良而佐使同心引導協力自使諸證悉平矣。  
大清涼散 溫病表裏三焦大熱胸滿脇痛耳聾目赤口鼻出血唇乾舌燥口苦自汗咽喉腫痛謔語狂亂者此方主之。

白殭蠶

酒炒三錢

蟬蛻

全十個

全蝎

去毒三個

當歸

生地

酒洗

金銀花

澤蘭

各二錢

澤瀉

木通

車前子

研

炒

黃連

薑汁炒

黃芩

梔子

炒

五味子

麥冬

去心

研

龍胆草

酒炒

丹皮

知母

各一錢

甘草

生五錢

水煎

服

去渣入蜂窠匙三冷米酒半小杯童便半小極和

勻冷服。此方通瀉三焦之熱。其用童便者恐

不得病者小便也。素問曰。輪迴酒。綱目曰。還元

湯。非自己小便。何以謂之輪迴。何以謂之還元

乎。夫以己之熱病。用己之小便。入口下嚙。直達

病所。引火從小水而降。甚速也。此古人從治之

大法。惜愚夫愚婦。未曾曉也。甚且嘲而笑之。眼

見嘔血人。接自己小便。飲一二碗立止。非其明

效大驗乎。

小清凉散 温病壯熱煩燥。頭沉面赤。咽喉不利。或唇口頰腮腫者。此方主之。

白殭蠶

炒三錢

蟬蛻

十個

銀花

澤蘭

當歸 生地

各二錢

石膏

五錢

黃連

黃芩

梔子

酒炒 牡丹皮

紫草

各一錢

水煎去渣。入蜜酒童便冷服。

黃連清心火。亦清脾火。黃芩清肺火。亦清肝火。石膏清胃火。亦清肺火。梔子清三焦之火。紫草通竅和血。解毒消脹。銀花清熱解毒。澤蘭行氣消毒。當歸和血。生地丹皮涼血。以養陰而退陽也。殭蠶蟬蛻爲清化。

之品散腫消鬱清音定喘使清升濁降則熱解而證自平矣

小柴胡湯 少陽病五六日邪傳半裏之時往來寒熱風寒

出入於表胸脇苦滿下膈循脇默默不欲飲食

裏之間咽乾故默木乘伏飲搏聚或胸中煩

土故不思食心煩喜嘔或腹中痛

而不嘔煩乃熱悶也或渴津液不足或腹中痛

血結或脇下痞硬邪熱與伏飲相搏于脇下或心下悸水停

凌心小便不利水不行或不渴裏未結實身有微熱表未

全或咳者伏飲射肺此方主之和解牛表加芒硝名

柴胡加芒硝湯

柴胡

四錢

黃芩

二錢

半夏

二錢

人參

一錢

甘草

炙一錢

生薑

二錢

大棗

二枚

水煎溫服。若胸中煩而不嘔。去

半夏人參

加栝蘘實

一枚潤下泄瀉

若渴者。去半夏。倍人參。

生津潤燥

加天花粉

二錢微熱滋乾

若腹中痛。去黃芩。加芍藥

二錢

收陰

緩中。若脇下痞。去大棗。加牡蠣粉。

軟堅。若心

下悸。小便不利。去黃芩。加白茯苓。

二錢上行肺氣。下過膀胱。

若不渴。外有微熱。去人參。

固表。加桂枝。

一錢發散。覆取微汗。

自愈

若咳者。去人參。棗薑。加五味子。

斂肺。乾薑一名



錢發肺寒  
濕以逐飲

邪在表則惡寒。邪在裏則發熱。邪在半表半裏則惡寒且熱。故令寒熱往來。少陽之脈起目銳眦。故令目眩。膽者中精之官。五臟取決於膽。咽爲之使。故令口苦咽乾。脈行兩脇。故令脇痛。膽者肝之府。在五行屬木。有垂枝之象。故令脈弦。柴胡辛溫。辛者金之味。故用之以平木。溫者春之氣。故就之以入少陽。一云專主往來寒熱。謂其能升提風木之氣也。黃芩質枯味苦。枯則能浮。苦則能降。君以柴胡則入少陽矣。一云

味苦不沉。黃中帶青。有去風熱之專功。謂其能散風木之邪也。然邪之傷人。常乘其虛。用參草飲實其中氣。使邪不得復傳入裏耳。一云少陽氣血薄。全賴土膏滋潤。則木氣始得發榮。卽經所謂胃和則愈之說。是以中氣不虛之人。雖有小柴胡證。而人參在可去也。邪初入裏。以風寒外邪。挾有形之痰涎。結聚於少陽之本位。所以裏氣逆而煩嘔。故用半夏之辛以除嘔逆。邪在半表。則榮衛爭。故用薑棗之辛甘以和榮衛。亦所以佐參草以補中氣。使半表之邪。仍從肌表

而散也。獨怪後世用小柴胡湯者，一槩除去人參，豈仲景立方之本意哉。又少陽經當衝要之路，關係最重。小柴胡非套藥也。今人不論何病，但見發熱惡寒，便以小柴胡湯和解之，殊覺可笑。

本方加枳實錢四黃連錢二名柴胡陷胸湯。

本方加枳殼錢三桔梗錢三名柴胡枳桔湯。

六一順氣湯 少陰厥陰病，口燥咽乾，怕熱消渴，譫語神昏，大便燥實，胸腹滿硬，或熱結傍流，達膈疼痛，厥逆脈沉伏者，此方主之。

大黃

酒浸四錢

芒硝

二錢五分

厚朴

半錢

枳實

一錢

柴胡

三錢

黃芩

白芍

甘草

生各一錢

水煎去渣

入鐵繡水三匙

冷服

加味六一順氣湯 溫病主方。治同前證。

白殭蠶

酒炒三錢

蟬蛻

個十大

大黃

酒浸四錢

芒硝

二錢五分

柴胡

三錢

黃連

黃芩

白芍

甘草

生各一錢

厚朴

一錢五分

枳

實

錢一

水煎去渣充芒硝入蜜酒和勻冷服

理陰煎

此理中湯之變方也。凡天一無根真陰不

足。或素多勞倦之輩。因而忽感寒邪。不能解散。或發

熱頭痛身痛。或面赤唇焦。或雖渴而不喜飲冷。或背  
心肢體畏寒。但脈見無力者。悉是假熱之證。涼藥不  
可入口。宜速用此煎。照後加減。以溫補陰分。托散表  
邪。連進數服。使陰氣漸充。則汗從陰達。而寒邪不攻  
自散。此最切於時用者也。神效不可盡述。

熟地

五七錢  
或一兩

當歸

或三五  
七錢

乾薑

炒一錢  
或二三錢

甘草

炙

二錢

水煎熱服

加附子

炮一錢

名附子理陰煎

治命門火衰。陰中無陽。

張景岳曰。若風寒外感。邪未深入。但發熱身痛。脈數

不洪。或凡內無火證。素稟不足者。但用此煎。加柴胡

二二三錢連進二三服。無不獲效。若寒凝陰盛。而邪有難

解。必加麻黃。錢二放心用之。或不用柴胡亦可。此寒邪

初感溫散第一要方。惟仲景知此義。但仲景之溫散。

首用麻黃桂枝。予之溫散。卽以理陰溫中爲增減。此

雖一從陽分。一從陰分。其跡若異。然一逐於外。一托

於內。而用溫散則一也。學者當因其所宜。酌而用之。

又若陽勝之時。寒邪深入。脈沉細。發熱惡寒。或背惡

寒。乃太陽少陰證也。加細辛。錢一二甚則再加附子。二

錢  
真神劑也。或並加柴胡以助之。或並加麻黃以發之。若有陰虛火旺內熱。不宜用溫。而氣血俱虛。邪不能散者。宜去乾薑。以三味酌加前藥與之。或止加人參一味亦可。按此正傷寒妙論也。去溫病萬里。學者宜詳辨焉。

補陰益氣煎 此補中益氣湯之變方也。凡屬真陰不足。而寒邪外侵者。用此升散之。並治勞倦傷陰。精不化氣。或陰虛內乏。以致外感不解。寒熱痰瘧。陰虛便結不通等證。

熟地三五錢 當歸二二三錢 山藥酒炒 陳皮 人參 甘

草各錢柴胡十錢升麻五分火上生薑二錢水煎

溫服

大溫中飲。此可與理陰煎相參互用也。凡患傷寒陽虛不足。及勞倦感冒。或兼嘔惡泄瀉等證。身雖熾熱。時猶畏寒。但六脈無力。邪氣不能外達者。此元陽太虛。正不勝邪之候。若非峻補托散。則寒邪日深。必致不救。溫中自可散寒。卽此方也。

熟地三五錢當歸二三錢白朮土炒二錢肉桂去粗皮一錢乾



薑

一三錢煨  
生薑亦可

甘草

炙一錢

柴胡

三五錢

虛加人參

一  
二

水煎熱服，覆取微汗。

無汗加麻黃

有汗去肉桂加桂枝、白芍。

氣虛加黃耆。

寒

甚陽虛加炮附子。

陽虛氣陷加升麻。

頭痛

加川芎、白芷。

泄瀉去當歸加山藥、蓮子。

或

並加防風、細辛。

景岳曰：古來傷寒之治，惟仲景知溫散。如麻黃湯、桂枝湯是也。亦知補氣而散。如小柴胡湯。黃耆建中湯是也。至若陽根於陰，汗化於液，從補血而散，而雲騰

寒濕候辨

寒

致雨之妙。仲景亦未言及。予製理陰補陰溫中三方。乃邪從榮解第一義也。其功難悉。所當深察。

按景岳首開補血散寒。邪從榮解之論。得仲景不傳之秘。治傷寒無刺義矣。真令人衣冠焚香。望拜茅山不置也。但傷寒不過感冬月烈風嚴寒之常氣。而溫病得天地疵癘早潦之雜氣。世之凶惡大病。死生在反掌間者。非傷寒。乃溫病也。若於溫病出一超越前人之意見。以啟後人之聾聵。豈不盡美又盡善乎。而乃仍覆前轍。曰溫病卽傷寒云云。羽翼叔和。一樣糊

塗噫。若非王安道劉完素二公於治法辯別明白。不  
幾蒙昧終古耶。

補中益氣湯

黃耆

蜜炙

人參

白朮

土炒各一錢半

當歸

陳皮

炙甘草

草

各一錢

升麻

五分

柴胡

七分

生薑

二錢

大棗

二個

水煎

溫服

桃仁承氣湯

太陽病不解。熱結膀胱。其人如狂。血

自下者愈。其表不解者。尚未可攻。當先解其表。

宜桂枝湯。表解但小腹急結者。乃可攻之。此方主之。

薛氏加丹皮 枳殼

桃仁

連皮尖十五個

桂枝

三錢

大黃

酒浸四錢

芒硝

二錢

甘草

炙一錢

水煎去渣，充芒硝溫服。

代抵當丸

太陽表證仍在，脈微而沉，反不結胸，其

人發狂者，以熱在下焦，小腹當硬滿，小便自利

者，下血乃愈。

以藥下之故愈。

所以然者，以太陽隨經，瘀

熱在裏故也。此方主之。

大黃

酒洗四兩

芒硝

穿山甲

蛤粉炒

夜明砂

淘焙

莪朮

醋炒

肉桂

去粗

當歸尾

酒蒸各一兩

紅花

酒炒七錢

桃仁

不去皮尖生用

七十粒  
另研

爲末，鍊蜜丸，薑湯送下三錢。

按代抵當湯丸方出準繩。蓋瘀蓄之血，攻之爲難。仲景直用水蛭、蠹蟲有毒之物，惟恐藥不峻利，亦何待攻之不動而後加減乎？後人不敢用此毒物，故作此方以代之。原方生地黄用之無理，歸尾必不可減。故於本方中減去生地一味，倍肉桂，加莪朮、紅花、夜明砂用之，殊覺有效。若溫病畜血，用此方去肉桂，加牡丹皮一兩，牛膝一兩，或止加乾漆五錢。

柯韻伯曰：膀胱爲水府，血本無所蓄蓄者也。然太陽

爲諸陽主氣。是氣之最多者。而其經又多血。少氣則知太陽在表陽分之氣多。而在經血分之氣反少也。少氣者膀胱之室。熱結鞭滿。法當小便不利。而反利者。是太陽上焦之氣化行。而下焦血海之氣化不行也。必其隨經之榮血。因瘀熱而結於裏矣。此爲小腹之裏。而非膀胱之裏。故小便雖利而鞭滿急結。蓄血仍瘀小腹也。熱淫於內。神魂不安。故發狂。血瘀不行。則榮不運。故脉微而沉。榮不運。則氣不宣。故沉而結也。榮氣不周於身。則身黃。消穀善饑者。胃火熾盛也。

大便反易者血之滯也。色黑者蓄血滲入也。善忘者血不榮。心智不明也。此皆蓄血之徵兆。非至峻之劑不足以抵其巢穴。而當此重任。故仲景制抵當湯以攻之。若熱雖盛而未狂。小腹滿而未鞭。宜小其制。爲用抵當丸以緩治之。若外證已解。小腹急結。其人如狂。是轉屬陽明。用調胃承氣。加桃仁桂枝之行血者。於其中以利之。胃和則愈矣。此桃仁承氣湯。又爲治之緩者也。宜辨之明矣。

茵陳蒿湯 傷寒頭汗出。渴飲水漿。小便不利。必發

黃也。此方主之。

本方再加白朮、山藥、赤苓、木通、黃芩、豬苓、黃柏、甘草治諸黃。

茵陳蒿

二錢

梔子

三錢

大黃

酒浸五錢

水煎溫服

按茵陳湯退黃之君藥。今以病較之。黃因小便不利。故用山梔除小腸屈曲之火。熱除便利。當以發黃爲標。小便不利爲本。及論小便不利。乃係胃家實熱。又當以小便不利爲標。胃實爲本。故宜以大黃爲君。梔子次之。茵陳又其次也。設去大黃而用梔子茵陳。是忘本治標。鮮有效矣。

參胡三白湯 傷寒汗下不解。脈虛少。氣發熱。或潮



熱口乾舌燥。此方主之。

柴胡

三錢

人參

二錢

白朮

土炒三錢

白茯苓

三錢

白芍

酒炒三錢

生

薑

三錢

大棗

三枚

水煎溫服

柯韻伯曰。傷寒汗下後不愈。裏氣既虛。當求之於三陰。而表熱仍在。又當責之三陽。三陽以少陽爲樞。其方以小柴胡湯。三陰以少陰爲樞。其方以附子湯。法當參合爲治。然此熱是少陽之虛。不得仍作前證之實火論。故於柴胡方中去黃芩。口燥而不嘔。故去半夏。少氣而反去甘草者。欲其下達少陰也。於附子方

中不取附子。欲其上通少陽也。所藉惟人參。故用爲君。佐白朮以培太陰之母。白芍以滋厥陰之血。茯苓以清少陰之水。生薑助柴胡散表邪。大棗助人參補元氣。信爲大病後調理之聖劑矣。若榮衛不和。則去柴胡。加桂枝。口渴心煩。加麥冬。五味輔人參生津止渴。心下痞。加黃連。枳實瀉心。不得臥。加竹茹。泄太陰熱。如無表熱。並去柴胡。名人參三白湯。純乎調內矣。黃連解毒湯。大熱乾嘔。煩渴譫語。呻吟不眠者。此方主之。

黃連

黃芩

黃柏

梔子

各一錢

水煎冷服

崔尚書曰。胃有燥糞。令人錯語。邪熱盛極。亦令人錯語。大便秘而錯語者。承氣湯。大便通而錯語者。解毒湯。

玉女煎 治少陰不足。陽明有餘。水虧火旺。六脈浮

洪滑。大乾燥。煩渴。頭痛。牙痛。吐血。衄血者。

熟地

五錢

牛膝

半錢

石膏

五錢

知母

半錢

服

按熟地牛膝補腎水之不足。石膏知母瀉脾土之有

餘而金則土之子。水之母也。麥冬、甘以保肺，寒以清肺。所謂虛則補其母，實則瀉其子也。

黃龍湯 治胃實失下。虛極熱極。循衣撮空。不下必

死者。

人參

錢半 熟地

三錢

當歸

二錢

大黃

酒浸三錢

芒硝

二錢

枳實

一錢

厚朴

一分 錢五分

水煎溫服

此補瀉兼施之方也。千金溫脾湯中用人參附

子乾薑甘草各一錢。當歸二錢。大黃三錢。芒硝八分。寒熱並用。後人罕識其旨。姑錄之以見治

療之法。不

一端也。

虛人熱結於裏。攻之不行。乃腸胃枯涸之故。故陶氏

加參歸地於大承氣湯中，以助氣血建背城之功。與小柴胡湯桂枝新加湯用人參佐表藥，輔正匡邪之義同。

大復甦飲 溫病表裏大熱，或誤服溫補和解藥，以致神昏不語，形如罪人，或哭笑無常，或手舞足蹈，或譫語罵人，不省人事，目不能閉者，各越經證，及誤服表藥而大汗不止者，名亡陽證，並此方主之。

白殭蠶

錢三

蟬蛻

個十

當歸

錢三

生地

錢二

人參

茯神

麥冬

天麻

犀角鎊

磨汁入湯和服

丹皮

梔子

炒

黃連

酒炒

黃芩

酒炒

知母

甘草

生各一錢

滑石

二錢

水

煎去渣入冷黃酒蜜犀角汁和勻冷服

陳來章曰。熱入於心經。涼之以連。梔犀角。心熱移於小腸。泄之以滑石。甘草。心熱上逼於肺。清之以芩。知麥冬。然邪之越經而傳於心。與夫汗多亡陽者。皆心神不足也。故又入人參。茯神以補之。此即導赤瀉心名半湯也。予謂應如明天麻。濕絛包漿切片酒炒使之開竅。以定其搐。再加生地。當歸。丹皮。和血涼血。以養其陰。仍

用礬、蠶、蟬、蛻以清化之品。逐疔瘡之氣。方爲的確。

小復甦飲。溫病大熱。或誤服發汗解肌藥。以致譫

語發狂。昏迷不省。燥熱便秘。或飽食而復者。並

此方主之。

白礬錢三 蟬蛻十

神麩

錢三 生地三

木通

車前子

抄各

二錢 黃芩

黃柏

梔子

炒 黃連

知母

桔

梗 牡丹皮

各一

水煎去渣入蜜

三 黃酒小

杯 小便

半小 和勻冷服

六味地黃丸料

加肉桂

錢一 炮附子

錢一 牛膝

錢一 車前

子錢一名金匱腎氣丸料去牛車名腎氣丸

熟地錢四山藥錢二山黃肉錢二白茯苓 丹皮 澤瀉

各一錢半水煎溫服加黃柏知母名知柏地黃丸

參胡溫胆湯 治傷寒汗下後嘔而痞悶虛煩不眠

人參 柴胡 白茯苓 廣皮各一錢五分半夏錢二枳

實錢一送炒各甘草錢六分生薑錢二棗錢二水煎溫服

脾胃虛寒少陽不能行生發之令故痰涎沃胆而不能眠參草苓棗之甘溫以補益脾氣柴胡之辛溫以升發陽氣二陳之辛散枳實之導滯以開發痰飲痰



飲散而胆不寒矣。然又有胆寒肝熱煩悶不寧而不能眠者，則當入竹茹、白芍等味也。甚則入黃芩。

人參養榮湯

治發汗過多，身振脈搖。

汗爲心液，汗多則血液枯。

酒筋肉無以養，故有此證。

通治脾肺氣虛，榮血不足，氣短食

少，驚悸，健忘，寢汗發熱，身倦肌瘦，色枯，毛髮脫

落，小便赤澀。

內經曰：脾主轉運，散精行津，上輸于肺，此地氣上升也；肺主制節，通

調水道，下輸膀胱，此天氣下降也。故各奉脾肺

虛，故氣短，脾虛故食少，心生脈，尿屬榮，榮虛血

少則心失養，故悸忘汗熱，肺主皮毛，脾主肌肉，

血虛火旺故瘦，枯毛脫，肺爲水

之上源，金不生水，故小便赤澀。

白芍

酒炒一錢五分

當歸

黃耆

炙

人參

白朮

茯苓

陳皮

甘草

炙各一錢

熟地

肉桂

五味子

研各七分

遠志

甘草湯浸去心五分

木煎溫服

陰虛火動加黃柏知母各一錢

陽虛下寒加炮附

子

一錢心悸不眠加酸棗仁

炒研二錢

倍遠志

葛根湯

傷寒標熱壯熱頭額痛目痛鼻乾不眠無

汗尺寸脈俱長及太陽陽明合病脈浮而長必

自下利者此方主之。

葛根

四錢

麻黃

三錢

桂枝

白芍

甘草

各二錢

大棗

二枚

生薑

三錢

水煎麻黃葛根去沫次入諸藥煎服

去麻黃各桂枝加葛根湯

太陽陽明合病下利猶屬表證。世人多以為漏底傷寒爲不治。仲景以此方主之。蓋以邪氣併於陽則陽實而陰虛。陰虛故下利也。與此湯以散經中表邪。則陽不實而陰氣平。不止利而利自止也。

痛瀉要方 治土敗木賊痛瀉不止

白朮

土炒三錢

白芍

酒炒四錢

陳皮

炒一錢半

防風

一錢

水煎溫

服

或爲末煉蜜丸服

久瀉加升麻

白朮補脾燥濕和中。白芍瀉肝火，斂逆氣，緩中止痛。防風散肝舒脾勝濕。爲理脾引經要藥。陳皮利氣，尤能燥濕醒脾，使氣行則痛止。數者皆所以瀉木而益土也。

桂枝麻黃各半湯 太陽風寒兩感，八九日如瘧狀，發熱惡寒，一日二三度，面赤，反有熱者，表未解也。以其不能得小汗出，身必痒，此方主之。

桂枝

三錢二分

麻黃

白芍

杏仁

去皮甘草

炙各二錢

生薑

三錢大棗

二錢

水煎麻黃去沫入羣藥煎服，覆取

微汗

此風寒兩感之輕劑也。不比大青龍之峻險。麻黃發汗祛太陽之寒邪。桂枝止汗解太陽之風邪。一發一止。則汗不得大洩矣。

人參敗毒散 治傷寒三陽經合病。頭痛發熱。及時行感冒。風寒咳嗽。風濕身腫者。

人參 羌活 獨活 柴胡 前胡 薄荷 川

芎 茯苓 枳殼 桔梗 甘草 生薑

水煎溫服 內熱口燥加黃芩

按羌活、獨活、柴、前、薄、芎、皆風藥。升、浮、輕、散、開、發、之、劑、也。故用之以解寒邪。散風熱。用枳殼者。取其清隔而利氣也。用參、苓、甘、草者。取其補益中氣。外邪不能深入也。滌其邪氣。培其正氣。故曰敗毒。此散乃解傷寒、太陽、陽明、少陽三經之藥。全在詳證。加減以盡其妙。虛怯人。借人參之力。補正氣。以驅邪氣耳。若溫病。雜氣鬱熱。內迫。流布三焦。人參豈可輕投。表藥豈可妄用。執泥此方。以治溫病。恒恐誤人。詎巷盛稱其妙。未免溢美。不可印板。眼目總緣。人不知溫病爲雜氣。

冲和湯

治傷寒三陽經合病

一名九味  
羌活湯

羌活

一分

白芷

黃芩

蒼朮

一分

細辛

川芎

防風

生地

甘草

各一分

生薑

二分

薄荷

白  
水

煎溫服

喘加古仁

夏加石膏

知母

此方分經而主治。傷寒邪在太陽者主以羌活。邪在陽明者主以白芷。邪在少陽者主以黃芩。邪在太陰者主以蒼朮。邪在少陰厥陰者主以細辛。川芎而防風者又風藥之卒徒也。生地所以去血中之熱也。甘草又所以和諸藥補脾胃而除氣中之熱也。余謂九

味合爲一方。然用者不可執方。當視其經絡前後左右之不同。從其多少大小輕重之不一。增損與之。乃能效矣。今人視爲四時套藥。無論感冒傷風傷寒。時氣溫病。亦無論經絡藏府。築以冲和湯和之。此張元素之說。誤之也。須知之。

葛根加半夏湯。太陽陽明合病。下利而嘔。又云不

利但嘔。此方主之。

此以利嘔辨風寒之不同也。寒爲陰。陰性不行。裏氣不和。

故利而不嘔。風爲陽。陽性上行。裏氣逆。故嘔而不利。加半夏之辛散。以下逆氣。下利而嘔。則風

寒兩感也。



葛根

三錢半夏

製

麻黃

去節泡去黃汁炒乾各二錢

桂枝

白芍

甘草

炙各二錢半

生薑

錢二

大棗

二枚

水煎麻黃葛根去

沫次入諸藥煎服覆取微汗

增損普濟消毒飲

太和年民多疫癘初覺憎寒壯

熱體重六傳頭面腫盛目不能開上喘咽喉不

利口燥舌乾俗名大頭溫東垣曰半身以上天

之陽也邪氣客於心肺上攻頭面而為腫耳經

謂清邪中於上焦卽東垣之言益信矣

元參

三錢

黃連

二錢

黃芩

三錢

連翹

去

梔子

酒炒

牛蒡子

炒

研

藍根

如無以青  
蘇代之

桔梗

各二錢

陳皮

甘草

生各一錢全

蟬蛻

十一二個

白蠟

酒炒

大黃

酒浸各三錢

水煎去渣

入蜜酒童便冷服

芩連瀉心肺之熱爲君。元參陳皮甘草瀉火補氣爲臣。翹梔芩藍蠶蟬散腫消毒定喘爲佐。大黃蕩熱斬關推陳致新爲使。桔梗爲舟楫。載藥上浮以開下行之路也。

真武湯

太陽病發汗太過仍發熱

汗雖出而表不除之故也

下悸

心生血汗爲心液多則心虛

頭眩身瞶振振欲擗地

振

亡陽之脈如  
續汗多則衛氣  
解散振振然四  
頭無可置身於  
絳地中而懸處  
也蓋陰近似陽  
欲坐井中而就  
冷也何得安指  
評經註辨詞心  
親爲解說

欲依地及少陰病腹痛小便不利四肢沉重疼  
不能起者。此爲有水氣。或咳或嘔。或小便利  
者。並此方主之。

白朮

土炒  
二錢

白茯苓

三錢

白芍

三錢

生薑

三錢

水煎溫服

少陰病加減法

咳加乾薑細辛

五味子

各一錢

嘔去附子倍生薑。小便利去茯苓

下利去白芍加乾薑

二錢

汗多而心下悸。此心亡津液。腎氣欲上而凌心也。頭  
眩而身暈。此汗多亡陽。虛邪不靖而內動也。真武北

方之神司水火者也。今腎氣凌心，虛邪內動，有水火  
奔騰之象，故名此湯以主之。白朮、茯苓，補土利水之  
物也。可以代腎而療心悸。附子、生薑，回陽益衛之物  
也。可以壯火而制虛邪。白芍、酸以收陰。用白芍者，以  
小便不利，則知其人不但真陽不足，真陰亦已虧矣。  
若不用白芍以固護其陰，豈能勝附子之雄悍乎。

梔子豉湯 汗吐下後，虛煩不得眠。邪入胸中，挾飲

故若劇者，反覆顛倒。展轉反側之象，心中懊懣也。此

方主之。吐無形之虛煩。

山梔子

生研七枚淡豆豉四錢

水煎溫服得吐便止不

吐再作服

梔子湧隔上虛熱香豉散寒熱惡毒能吐能汗爲傷寒汗下後不解虛煩悶亂之聖藥若嘔則加生薑以滌飲名梔子生薑豉湯若小氣則加甘草以緩中名梔子甘草豉湯若心煩腹滿起臥不安則去香豉而加厚朴枳實名梔子厚朴湯又傷寒論曰傷寒以九藥大下之身熱不去微煩者梔子乾薑湯主之又曰傷寒五六日大下之後身熱不去心中結痛者未欲

解也。梔子

乾薑

湯主之。故凡欲湧虛煩，必先顧慮中

氣。所以病人素有微瀉者，有不可吐之戒。

按梔子乾

薑湯主之。當是梔子豉湯。主之。當是梔子乾薑湯。斷無煩熱用乾薑結痛用香豉之理。當移之。

柯韻伯曰：傷寒太陽以心腹爲裏，陽明以心腹爲表。

蓋陽明之裏是胃實，不特發熱惡熱、目疼、鼻乾、汗出身重，謂之表。一切虛煩、虛熱、咽燥、口苦、舌胎、膈滿、燥不得臥、消渴而小便不利，凡在胃之外者，悉屬陽明之表也。仲景製汗劑，是開太陽表邪之出路；製吐劑，是引陽明表邪之出路。若太陽當汗而反吐之，便

見自汗出不惡寒、饑不能食、朝食暮吐、欲飲冷水不  
欲近衣等證。此太陽轉屬陽明之表。當梔子豉湯主  
之。陽明當吐而不吐。反行汗下溫鍼等法。以致心中  
憤憤怵惕、懊憹、煩燥、舌胎等證。然仍陽明之表。仍當  
梔子豉湯吐之。梔子若能湧泄。寒能勝熱。其形象心。  
又色赤通心。故主治心中上下一切證。豆形象腎。又  
色黑入腎。製而為豉。輕浮上行。能使心腹之濁邪上  
出於口。一吐而心腹得舒。表裏之煩熱悉除矣。所以  
然者。二陽之病發心脾。此乃心脾熱。不是胃家實。卽

所云有熱屬藏者攻之。不令發汗之義也。急除胃中之熱。不致胃家之實。卽此一湯爲陽明解表裏之聖劑矣。

瓜蒂散

吐有形之實邪

病如桂枝證。頭不痛。項不强。寸脉

浮。胸中痞鞭。氣上衝咽喉。不得息者。此爲胸有

寒也。

寒者痰飲也。

此方主之。

甜瓜蒂

炒黃

赤小豆

各等分

爲末。熱水二鍾。入淡豆

豉三錢煎一鍾。去渣。和藥末。

錢一

溫服之。不吐。再加

得快吐卽止。或燒鹽。熱湯調服。以指探吐。治霍



亂宿食。熱痰冷痛。千金曰。凡病皆宜大勝用藥。

炙甘草湯。傷寒脈結代。心動悸。此方主之。

炙甘草

二錢

阿膠

二錢

麻仁

去

麥冬

去心各

日錢

生地

八錢

桂

枝

二錢

人參

一錢

生薑

二錢

大棗

二枚

水酒各半煎去

渣入阿膠化服

薛氏加當歸酸棗仁

炒各

三錢

五味子

炒研

一錢

脈結心悸由血氣虛衰不能相續也。緣其人汗下不解。真陰衰竭。津液枯涸。滋陰之藥當倍於補氣。故參草桂枝薑棗補益中氣。調和榮衛。阿膠麻仁麥冬生

地藥味既多。分兩亦重。所以潤經益血。復脈通心也。聖濟經曰。津液耗散爲枯。五藏痿弱。榮衛涸流。濕劑所以潤之。與水停心悸之治法不同。汪訥菴曰。千金翼用治虛勞。寶鑑用治呃逆。外台用治肺痿。愚按開陰降火無窮之法門。此方是也。後人滋

生脉散 治夏月金受火囚。絕寒水生化之源。以致

咳嗽喘促。肢體痿軟。脚軟眼黑。口渴汗出者。

人參

二錢

麥冬

去心二錢

五味子

一錢

水煎溫服

東垣曰。人參甘寒。瀉火熱而益元氣。麥冬苦寒。滋燥

金而清木源。五味酸溫。瀉丙火而補庚金。以肺朝百  
脉。故名曰生脉散。令人因生脉之名。用治脉微欲絕。  
陽氣將脫之證。誤人多矣。何如獨參一味。

左歸丸

減兩為錢大劑煎飲名為丸料

治真陰腎水不足。不能滋養

榮衛。漸至衰弱。或虛熱往來。白汗盜汗。或神不  
守舍。血不歸元。或氣虛昏暈。或眼花耳聾。或口  
燥舌乾。或腰酸腿軟。或遺淋瀝痛。凡精髓內虧。  
津液枯涸等證。俱宜壯水之主。以培左腎之元  
陰。而精血自充矣。

熟地

八兩

山藥

炒

山茱萸

蒸去核

兎絲子

酒蒸

枸杞子

酒蒸

鹿角膠

打碎炒珠

龜板膠

切碎炒珠各四兩無火不必用此味

牛膝

酒蒸

熟三兩滑精者不用

爲末鍊蜜丸任下

如真陰失守

虛火上炎者宜用純陰至靜之劑去枸杞鹿膠

加女貞子

三兩

麥冬

三兩

火燥灼金

乾枯多嗽

加百

合

三兩

夜熱骨蒸

加地骨皮

三兩

水不利不清

加白

茯苓

三兩

大便燥結

去兎絲

加肉蓯蓉

三兩

血虛血

滯加當歸

四兩

腰膝痠痛

加杜仲

鹽水炒斷三兩

藏平無

火而腎氣不充者去龜板膠加破故紙

炒香

蓮

三兩

肉、生胡、桃、肉、

各四兩

氣虛加人參

三兩

右歸丸

以兩作錢大劑煎飲各爲丸

治元陽不足。或先天稟弱。或

勞傷過度。以致命門火衰。不能生土。而爲脾胃虛寒。飲食少進。或嘔惡膨脹。或反胃噎膈。或怯寒畏冷。或臍腹多痛。或大便不實。瀉痢頻作。或小水自遺。虛淋寒疝。或寒在谿谷。而肢節痺痛。或寒在下焦。而水邪浮腫。總之真陽不足者。必神疲氣怯。或心跳不寧。或四肢不收。或眼見邪祟。或衰弱無子等證。俱宜益火之源。以培右腎。

之元陽而神氣自強矣。

熟地

八兩

山萸肉

微炒三兩

杜仲

薑湯炒斷

枸杞子

微炒

鬼絲子

酒蒸鹿膠

各四兩

當歸

三兩

肉桂

去粗

附子

製各二兩

爲末

鍊蜜丸任下

如陽虛氣衰必加人參以爲之

主。隨人虛實增損。蓋人參之功。隨陽藥則入陽

分。隨陰藥則入陰分。欲補命門之陽。非加人參

不能捷效。陽虛精滑或帶濁便溏。加故紙。酒炒三兩

殭泄腎泄不止。加五味子。

三兩

肉豆蔻

麩煨去油三兩

飲

食減少。或不易化。或嘔惡吞酸。加乾薑。

炒黃三兩

腹

痛不止。加吳茱萸。

二兩

腰膝痠痛。加胡桃肉。

連皮四兩

陰虛陽痿。加巴戟肉。

四兩 肉苁蓉。

三兩

或黃狗外腎。

二酒煮搗入之。

蜜煎導法

陽明病自汗。若發汗。小便自利者。此爲

津液內竭。便雖硬。不可攻。此仲景心法。後人罕知。當自欲大便時。以此法導之。乃承氣之變法也。

蜂蜜

入銅勺內。微火煎。稍凝。勿令焦。入皂角末。

五分。食鹽五分。併手作挺子。長寸許。令頭銳。欲大便。

時入穀道中自下。

參歸養榮湯 邪留心下。令人痞滿。下之痞應去。今反痞者。虛也。以其人或稟賦嬌怯。或素病虧損。如失血崩帶等證。因下益虛。失其健運。愈令痞滿。再用行氣破氣之劑。轉成壞病矣。

人參錢一 半夏錢二 生薑炮三錢 甘草炙一錢 白芍酒炒一錢半

當歸錢二 生地錢二 熟地錢三 大棗二枚 水煎溫服

果如前證。一服痞如失。若下後仍潮熱口渴。脈洪大而痞者。投之禍不旋踵。此有虛實之分。須



詳辯之。

犀角地黃湯

傷寒溫病。胃火熱盛。衄血吐血。咳嗽。

血也。循經之血走而不守。隨氣上行。火氣急迫。故隨氣直犯清道。上騰而出。干鼻爲衄。其從肺而出。於咽者。則爲咳嗽。其存胃中者。爲守榮之血。守而不走。清虛不能攝。或爲火逼。故嘔吐從咽而出也。衄血之熱在經。吐血之熱存府。傷寒。每血爲表熱。溫病。每血爲裏熱。內經曰。心移熱於肺。則咳嗽出血也。當詳細辯而治之。便血。衄血如狂。漱水不欲嚥。傷寒。便血爲傳經熱。邪溫病。便血爲裏熱。畜血在上。則喜忘。在下。則如狂。漱水不欲嚥。熱在經裏。無熱也。畜血發燥而內不澇。故雖漱水而不欲嚥。海藏云。大凡血證。多不飲水。惟氣證。則飲水。經云。陽明病。口燥。漱水不欲嚥者。必與

傷寒當發汗而不發汗邪熱  
妄行，逼血外出，故見此證。及陽毒發斑，熱甚傷血  
發于皮膚，見紅點者為疹，如錦紋者為斑，傷寒  
不當下而下，熱毒乘虛入胃，則發斑疹，溫病當  
下而不下，熱留胃中，亦發斑疹。並婦人血崩赤  
或誤服熱藥太過，亦發斑疹。  
淋。以火賤，此方並治之。

懷生地

六錢

白芍

四錢

牡丹皮

三錢

犀角鎊

二錢

磨汁

或末入

水煎，入犀汁服。瘀血甚者，加大黃三錢以行之，或

因怒致血，或熱極如狂，加柴胡、平少陽、厥陰之

火。黃芩瀉上中二焦之火，梔子瀉三焦之火也。

生地甘寒涼血，以滋腎水。丹皮苦寒瀉血中之伏火。

犀角大寒。解胃熱而清心火。白芍酸寒。和陰血而散肝火。以共平諸經之僭逆也。

通脈四逆湯。下利裏寒外熱。而反赤。手足厥。脈微欲絕。及脈不出。係羣陰格陽於外。不能內返也。此方主之。

附子

生三錢

乾薑

生三錢

甘草

炙二錢

水煎

溫服

一云

冷服

解見四逆湯下

按蘊要云。四逆湯一名通脈四逆湯。細玩傷寒通脈四逆湯所治之證。裏寒外熱。其面反赤。陰盛於內。通

陽於外而脈不出。較四逆湯所治之證爲更重。若通  
脈四逆湯卽四逆湯。何故多加通脈二字耶。醫統及  
醫宗必讀俱云卽四逆湯加甘草一倍。然厥逆脈不  
出。反加甘草緩味。殊不近理。續論云卽四逆湯加乾  
薑一倍。然回陽通脈全賴生附子雄旱之力。豈宜單  
加乾薑耶。再按四逆湯原方甘草二兩乾薑一斤附  
子一枚生用。方下云。強人可大附子一枚乾薑二兩此卽通  
脈四逆湯也。故通脈四逆湯方甘草二兩與四逆湯  
同。乾薑三兩是爲信用。附子大者一枚生用。夫既云大

者其爲倍用。可想而知。細心較定。通脈四逆湯。卽因逆湯倍附子乾薑是耶。

仲景加減法。

面色赤。加蔥白。

二莖

腹痛。去蔥白。

加白芍。

二錢

嘔。加生薑。

二錢

咽痛。去白芍。加桔

梗。

二錢

利止。脈不出。加人參。

一錢

去桔梗。

白頭翁湯。

下利欲飲水。

亡津液而內燥

以有熱故也。又熱

痢下重者。

邪熱下利氣滯後重

並此方主之。

白頭翁

二錢

秦皮

三錢

黃連

三錢

黃柏

三錢

水煎溫服。

此胃與肝腎藥也。白頭翁苦寒入胃經血分而涼血。

止澀。秦皮苦寒性瀉洗肝益腎而固下焦。黃連清心涼血。黃柏瀉火補水。並能燥濕止利而厚腸。濕熱除而利自止矣。

桔梗杏仁煎 治咳嗽吐膿。痰中帶血。或胸膈隱痛。將成肺癰者。

桔梗 杏仁 研炒甘草 各一錢 枳殼 楚炒一錢 麥冬 去心百

合 阿膠 夏枯草 金銀花 各二錢 連翹 二錢

川貝母 紅藤 各三錢 火勝兼渴者加天花粉 二錢

水煎溫服

腸癰秘方 凡腸癰生於小肚角微腫而小腹陰痛

不止者。是毒氣不散。漸大內攻而潰。則成大患。

矣。急以此方治之。

先用紅藤兩酒二碗煎一碗。午前一服。醉臥之。

午後用紫花地芩兩酒二碗煎一碗。服之。服後痛

必漸止爲效。然後服後藥末。除根。

當歸五錢石蟪五錢白殭蠶白而直者蟬蛻全各二錢天

龍卽蜈蚣也川大黃各一錢老蜘蛛二箇捉住放新瓦上以酒盪蓋定外

用炭火煨乾存性右爲細末。每空心好酒調服一錢。

許日逐漸服，自消。

連翹金貝煎 治陽分癰毒。或在肺膈胸乳藏府之

間者。此方最佳。連用數服。無有不愈。

連翹

去心

紅藤

各七錢

金銀花

蒲公英

夏枯草

土貝母

各三錢

火勝煩渴。乳腫者。加天花粉。

三錢

好酒二碗。煎一碗。服後煖臥片時。若陽毒內熱。

或在頭頂間者。水煎亦可。

### 蠶礬丸

生白礬

二兩

白芨

一兩

爲細末。用黃蠟

四兩

熔化。去淨渣。



入藥末爲丸。白滾水送下一錢。日三服。護膜。

裏解毒化膿之功甚大。一方無白芨。一方有。

琥珀三錢

附子湯 少陰病。口中和。背惡寒者。少陰病。骨節痛。

身體痛。手足厥。脈沉者。並此方主之。

人參一錢 附子生 白朮土炒 白茯苓 白芍各二錢

水煎溫服

傷寒以陽爲主。上證皆陰證。幾於無陽矣。辛甘皆陽也。故用參、附、苓、朮以養陽。辛溫之藥過多。恐有偏陽。

之弊。故又用白芍以扶陰。經云。火欲實。水當平之。此用白芍之意也。若溫病陽邪拂鬱。而厥逆脈沉。一用辛溫之藥治之。正如抱薪投火矣。

桂枝加附子湯。太陽病中風。誤汗。遂漏不止。惡風。

表虛則

立府疎。小便難。

汗多則亡津液。

四肢微怠。

四肢為諸陽之本。陽虛則

滲。難以屈伸。

筋骨不和。風邪客之。

此方主之。

桂枝

白芍

各三錢

附子

甘草

各一分

生薑

三大錢

棗

二枚

水煎溫服

誤汗亡陽則血滯。兼有風入而勁急也。故用桂枝湯。

厥風解肌以和榮衛加附子以助元陽而固表也。此

中風誤汗而見此證。故以此湯救之。若濕家重發汗。

必恍惚心亂。汗為心液。心無血養。故神不寧。小便已。陰痛。水道乾涸。故陰痛也。

炙甘草湯加白茯苓。錢四

甘草附子湯。風濕相搏。骨節煩痛。掣痛不能屈伸。

汗出短氣。小便不利。惡風不欲去衣。身微腫者。

此方主之。風則上先受之。濕則下先受之。迨兩相搏激。注經絡。流關節。無處不到。則

無處不痛也。風勝則衛氣不固。故汗出。惡風。濕勝則水道不行。故便濇身腫。

甘草炙二錢附子生二錢白朮土炒二錢桂枝四錢水煎溫

服

成氏曰。甘草桂枝之辛甘。散風邪而和衛。附子白木之辛溫。解濕氣而溫經。